


## ԿՈՏԱՅՔԻ ՄԱՐԶՈՒՄ ԲԱՑՎԵԼ Է ՀԱՆՐԱՅԻՆ ՊԱՇՏՊԱՆԻ ԳՐԱՍԵՆՅԱԿԻ ՀՐԱԶԴԱՆԻ ՆՍՏԱՎԱՅՐԸ

28.02.2019 16:36




Կոտայքի մարզպետարանում այսօր՝ փետրվարի 27-ին, տեղի է ունեցել ՀՀ փաստաբանների պալատի հանրային պաշտպանի գրասենյակի Հրազդան քաղաքի նստավայրի բացման արարողությունը: Դեռևս 2018թ. հոկտեմբեր ամսին ՀՀ փաստաբանների պալատի նախագահ Արա Զոհրաբյանի և Կոտայքի մարզպետ Ռոմանոս Պետրոսյանի միջև համագործակցության հուշագիր էր ստորագրվել: Ըստ այդ փաստաթղթի կողմերը պատրաստվում են համագործակցել մարզի բնակիչների համար իրազեկման ծրագրերի իրականացման, անվճար և արդյունավետ իրավաբանական օգնության տրամադրման ուղղություններով: Գրասենյակում քաղաքացիներին ծառայություն են մատուցելու ոչ միայն հանրային պաշտպանները, այլ նաև այն փաստաբանները, որոնք չունեն գրասենյակային տարածք գործունեություն ծավալելու համար: Դրա փոխարեն այդ փաստաբանները շաբաթական մեկ անգամ անվճար իրավաբանական խորհրդատվություն կտրամադրեն մարզի բնակիչների համար:

**«Վստահ եմ որ այս համագործակցության շահառուն լինելու են մեր քաղաքացիները: Որքանով որ տեղյակ եմ մարզպետարան դիմող քաղաքացիների մեծ մասի խնդիրները կապված են իրավական հարցերի հետ և այս առումով այս հարթակը լավ հնարավորություն է տալիս մեր քաղաքացիներին ստանալ իրավական օգնություն և թեթևացնել պետության բեռը»,-** նշել է Արա Զոհրաբյանը:

**«Այս փուլում այս ֆորմատի աջակցությունը շատ կարևոր է մարզի համար և ուրախալի որ հենց ձեզ հետ ենք իրականացնում»,-**հայտնել է Կոտայքի մարզպետ Ռոմանոս Պետրոսյանը:

Այսօր՝ փետրվարի 28-ին ՀՀ փաստաբանական դպրոցի իրավաբանական կլինիկան, փաստաբանների հետ իրականացնելու է անվճար իրավաբանական խորհրդատվություն Կոտայքի մարզի բնակիչների համար:

ՀՀ փաստաբանների պալատի հանրային պաշտպանի գրասենյակի Հրազդան քաղաքի նստավայրի բացման առիթով Կոտայքի մարզպետը գրասենյակին նվիրել է Աբովյան քաղաքի Գեղարվեստի ուսումնարանի սաներից մեկի գեղանկարը:





Վերադառնալ \$(window).load(function(){ if(typeof \$(".fb\_comments\_count").html() != "undefined" && parseInt(\$(".fb\_comments\_count").html()) != 0){ updateCommentsCount(window.location.href); } })